

SAMOA

Faatulagaina o Aiaiga

- | | |
|------------------------------|------------------------------|
| 1. Igoa puupuu ma le amataga | 4. Alauni o Sui Usufono o le |
| 2. Totogi ma Alauni o | Palemene |
| Failautusi Faa Palemene | 5. Alauni tau Komiti |
| 3. Totogi ma Alauni o le Sui | |
| Fofoga Fetalai | |

2001, Nu. 5**O SE TULAFONO e teuteu ai le Tulafono o le Faasologa o
Totogi 1964.** *[15 Iuni 2001]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o le Faasologa o Totogi 2001 ma e tatau ona faitauina faatasi ma avea ai o se vaega o le Tulafono o le Faasologa o Totogi 1964 (“Tulafono autu”).

(2) O lenei Tulafono ua avea e faapea e amata faamamaluina mai i le aso 2 o Mati 2001.

2. Totogi ma Alauni o Failautusi Faa Palemene-(1) O le Tulafono autu ua teuteuina i le faaofiina i ai ina ua tuanai le fuaiupu 7 ia le fuaiupu 7AA e faapea:

“7AA. Totogi ma Alauni o Failautusi Faa Palemene – O le a tatau ona totogi atu i Failautusi Faa Palemene taitasi:

- (a) Se totogi i le fua faatatau e \$30,000 i le tausaga;
 - (b) Se alauni i le fua faatatau e \$7,577 i le tausaga e aiaia ai mo tupe alu e faatupulaia i ona tiute faa sui usufono ma tiute e fesootai ma galuega a le Fono Aoao; ma
 - (c) Se alauni o telefoni e \$3,600 i le tausaga faaopoopo i ai se taavale e tatau ona faaaogaina e tusa ai ma faiga faavae a le Malo mai lea taimi i lea taimi i luga o le faaaogaina o taavale a le Malo ma Faalapotopotoga Faaletulafono.”
- (2) Fuaiupu 7 o le Tulafono o Failautusi Faa Palemene 1988 ua soloia nei.

3. Totogi ma alauni o le Sui Fofoga Fetalai – Fuaiupu 9 o le Tulafono autu ua teuteuina i le:

- (a) Soloia mai le parakalafa (a) le aofaiga “\$29,773” ma sua i ai le aofaiga “\$35,000”; ma
 - (b) I le tuanai ai o le parakalafa (b) ia faaofiina i ai le parakalafa (c) e faapea -
- “(c) O se alauni o telefoni e \$3,600 faaopoopo i ai se taavale e tatau ona faaaogaina e tusa ai ma faiga faavae a le Malo mai lea taimi i lea taimi i luga o le faaaogaina o taavale a le Malo ma Faalapotopotoga Faaletulafono”.

4. Alauni o Sui Usufono o le Palemene – Fuaiupu 10(b) o le Tulafono autu ua teuteuina i le faaopoopoina i ai pe a tuanai le aofaiga “\$5,400” upu e faapea -

“aiaia ai e faapea o lenei alauni e le totogiina atu i Sui Usufono o i latou ia o lo o umia tofi o le Sui Fofoga Fetalai po o Failautusi Faa Palemene”

5. Alauni tau Komiti – Fuaiupu 10(c)(ii) o le Tulafono autu ua teuteuina i le soloia o aofaiga “\$8.50”, “\$7.00” ma le “\$6.00” ma suia i aofaiga “\$10.00”, “\$8.50” ma le “\$7.00” i le faasologa.

**Lolomiina e le Failautusi o le Fono Aoaofaitulafono,
i lalo o le pule a le Fono Aoaofaitulafono.**

